

ipsius videbitur utilius expedire. In cuius rei testimonium praesentes literas fieri et sigillo nostro maiori fecimus communiri. Datum Pragae anno a nativitate domini M° CCC° tricesimo primo pridie Nonas Septembris.

Nach einer Abschrift in Codex Damascus fol. 17 im Archiv des Cisterzienserstifts Ossegg.

No. 18. 1332. 4. Apr.

*Bischof Withego von Meissen beurkundet die Bedingungen, unter welchen die Meissner Kirche die Ueberweisung der Pfarrkirche zu Pirna an Kloster Ossegg genehmigt hat.*

In gotis namen amen. Wythego von gots gnaden bischoff der kirchen zcu Meyssen allen glöwbigen Cristi gegenwertigen vnd zcukunfftigen, vor dy dyße briue belangett, empieten wir heyl im namen aller menschen heylands. Wywol es ist pillich, allen notdurfftigen von eynen iederman hulflich zcu seyn, dach förder den vor allen andern noch lere der vernunft, dy in gastgebungen das ire noch vermogen williclichen ane vnderscheit eynem itzlichen on aussnemunge der person allezeit mitte teylen. Dorvmbe noch vnßerm vermogen komen wir gerne zcuster den vilfeldigen noten vnd gebrechen des ernwirdigen mannes hern Conradt apts vnd seyner nochkomen monchen vnd conventt des closters zcu Ozsek Cistercier orden Prager bistumbes, angesehen des durchlauchtigsten fursten hern Johannes Behmischen königs zcumole fließige vorbete derhalben gesandt vns vnd vnnßerm capitel der Misnischen kirchen, vnd haben deme genanten herren apte vnd seyme closter Ozsek dy pharre kirche zcu Pirne vnsers bistumbes zcu Meissen mit iren capellen itzk gebawet ader dy hernoch werden gebawet mit allen rechten nutzen hülffen vnd zugehörungen mit gewisser vnd eyntrechtlicher vnsers vorgeannten capitels verwilligunge vmbe gots willen vnd zcu stewart irer vnd ired closters notdurftikeyten gegenwertlichen vorreicht vnd vorlegen vnd demeselbigen apte ader der do in czukvnfftiger czeit aldo seyn wurde ader seynem closter zueygen wir vnd inlieben dy in geistlichen vnd werntlichen ewelichen, dach mit den nochgeschriben vnderschyden, das ist das dy obgenante kirche zcu Pirne werde geregiret vnd vorwest durch eynen werntlichen prister, deme denne durch dy genanten apt vnd conventt werde getan eyne genuelich versorgunge. Vnd derselbige prister, der dy genante kirche alz obinbegriffen regiret vnd verwesen wirt, sal von deme apte des vorgeannten closters deme ertzdiacon zcu Nisitz des bistumbes der genanten Myßnischen kirchen praesentiret werden, der do sal von demeselbigen ertzdiacon entphaen alz vormals vorsorgunge der selen vnd thun hendtlichen gehorsam vnd vor demselbigen vns vnd vnseren nochkomen vnd deme ertzdiacon zcu Nisitz, wenne her ersucht wert, antworten. Item derselbige regirer vnd geampter der genanten kirchen sal besuchen vnser vnd vnserer nochkomen geistliche sampnunge vnd demeselbigen geistlichen sampnunge statut vnd aussatzunge itzk vnd zcukunfftig von im noch geburlichkeit gehalten werden. Ouch ist her vorpflicht, vnser, vnserer praelaten vnd des genanten ertzdiacon von Nisitz gebot, dy im gesandt werden, welche vnd wy dy seynt, zcuhalten ane alle geuerde. Item der, der do zcukönfftig